

|             |   |            |         |
|-------------|---|------------|---------|
| Headline    | Tarif baharu elektrik usah beban pengguna |            |         |
| MediaTitle  | Berita Harian                             |            |         |
| Date        | 18 Sep 2019                               | Language   | Malay   |
| Circulation | 82,252                                    | Readership | 246,756 |
| Section     | Nasional                                  | Page No    | 10      |
| ArticleSize | 120 cm <sup>2</sup>                       | Journalist | N/A     |
| PR Value    | RM 11,922                                 |            |         |
|             |   |            |         |



## Tarif baharu elektrik usah beban pengguna

**Cadangan** Tenaga Nasional Berhad (TNB) memperkenalkan mekanisme tarif elektrik baharu untuk sektor domestik dengan harga berubah-ubah mengikut waktu penggunaan, mengundang pelbagai persepsi.

Ramai menyokong inisiatif yang dijangka bermula suku pertama 2021 itu, tidak kurang juga bimbang.

Realitinya ada yang percaya inisiatif itu cukup positif ke arah membantu rakyat untuk berjimat. Jika benar, cadangan itu harus diberi pertimbangan positif untuk dilaksanakan.

Namun, kebimbangan umum mengenai kadar tarif dinamik yang berubah-ubah mengikut tempoh masa guna tenaga, tidak boleh diketepikan. Mungkin boleh diperhalusi agar penetapan tidak mengundang beban kepada pengguna khususnya yang tidak bekerja pada waktu pejabat.

Satu perkara perlu diingat, sudah lama kita mengajar pengguna agar lebih prihatin terhadap kos mereka, jadi sebarang langkah yang mungkin membantu ke arah itu tidak boleh diketepikan. Satu sudut positif, pengguna sendiri boleh merancang sama ada bil elektrik masing-masing sama ada tinggi atau rendah, dengan melaraskan waktu penggunaan mengikut kesesuaian tarif.

Cuma satu yang kita minta, janganlah mekanisme baharu yang akan ditetapkan ini mengundang beban kepada rakyat, apatah lagi jika ada agenda tersembunyi untuk menaikkan tarif sedia ada secara senyap.